

重修什邡縣志

昆明志 136

地 250. 105

42

128

中華民國十八年

重修什邡縣志

成都
球新印刷廠代印

縣志序

邑胡爲而有志所以著興衰徵得失也古者晉有乘楚有檣杌魯有春秋秦有秦記皆詳於戰爭而於山川風土人物特略降至戰國諸侯惡其害已而去其籍雖以孟子之賢猶不能盡窺周室之典則其湮沒者不知凡幾矣秦置郡縣封建遂廢向之方六七十者非卽今之下邑版圖乎向之千八百國者非卽今之各省州縣乎世道日衰變更愈甚後之人考其陳迹因革損益百世可知惟邑志是賴民國十七年邑人士議修縣志以海任分修海考舊志人物職官則詳於近代而明以前獨略山川疆域但存夫古稱而今世之名互異藝文則詩佔其多數節孝則頌揚一律至於故宮陵墓并有不能實指者可慨也已什邡設縣二千餘年豈無特殊之士特別之政教與夫二三奇特之技能足以輝耀於古今乃徹侯則僅列雍齒名宦則鄧惲失傳陵墓則蠶女無稽濯纓

重修什邡縣志

卷一 序

球新印刷廠印

則二程虛冒可知數千年之得失並有爲縣志所不載縣志所已訛者皆宜悉心而考訂之則此志之修也關係豈不重歟世嘗謂魏收妄作穢史流傳則秉筆之人當有卓識方不致是非淆亂貽笑後人顧元明以前記載就湮淹博如紀公而成書過速亦未盡善至於現在海甚懼焉體例之變更也書籍之寡少也文獻之無徵也採訪之不實也棄取之未必謹嚴也秉筆之果不循情也而遂成書則後之視今猶今之視昔耳且夫言修志於今日亦正有難焉者家庭則倡言革命何論親親婚姻則戀愛自由何言節烈牌坊毀矣旌表何存名城折矣關隘奚著以及典章文物名教綱常凡所以扶世翼教者皆指爲帝制時代之廢物一切推倒之無尊卑上下無禮樂冠裳無詩書六藝無隱逸遺民無孝子順孫無義夫節婦風會至此紀載難矣嗟乎山川者天地之奧區也城郭者人民之保障也禮義廉恥者國家之四維也今移山倒海覆

地翻天凡吾志所記載者必爲社會所不歡迎遑云俟諸異日雖然吾固知異日之不可俟也吾並不計夫社會之歡迎與否第與吾志體例相合者則載之不合者則去之亦如孔子之作春秋諸侯用夷禮則夷狄之進於中國則中國之顧其義正辭嚴所以能使亂臣賊子懼也縣志非史固不足以語此要以直書其事爲得不識後之君子以爲如何志成因弁數語於簡端以誌其顛末云

中華民國十八年歲次己巳孟夏月上浣分修劉宗海星潭序

重修什邡縣志弁言

吾什縣志前清乾隆中史公進爵創修於前嘉慶中紀公大奎纂修於後凡縣境之山川風土人文物質與夫勝代之政治典章循良政績無弗粲然明備逮同治乙丑傅公華桂又倣紀例從而續修用紀藍逆之亂兼補從前之略論者謂其更臻美備生斯土者可免數典之譏矣然自同治乙丑以迄於今計前清之世四十七年計民國之世十有七載清當末造紛紛變法以圖新民國肇興事事改良而棄短又新舊交替屢起紛更遞嬗乘除頻遭兵燹文卷既多散軼老成又益凋謝此六十年中隱逸之人物與經過之事實就湮者不知凡幾際此文獻絕續之交倘不急謀重修後起者展卷流連必感慨唏噓恨書缺之有間將何以見世運之升降政治之隆污風俗之醇澆人心之順逆耶但此重修之議民初張起樞知事葉昌藩視學均先後提倡卒因卸任而議寢

重修什邡縣志

卷一

弁言

球新印刷廠印

十一年後光忝主議席更兩次咨請縣署及時舉辦殊始則主任無人尋又因亂停擱幸十六年春召開法團聯席會議始決議先設縣志籌備處推定籌備員數人住處主持覓縣中明達分段包辦正採訪間新知事王君文照蒞任對此修志之舉頗爲注意嘗謂縣志關係重要須鄭重將事免貽缺憾籌備諸人見君關心文獻乃延請任縣志總纂自後遂變更籌備包辦成議改設重修縣志局卽以知事名義照會光經理局務並以總纂名義延訂縣中學界分別擔任分修編修編輯各職公同參訂旋定依據通志頒行體例分列十門將前後舊志之紀載與現在之採訪鎔鑄一爐汰其間冗分別容納於各門之內俾閱者開卷瞭然茲共成十有六帙綜計十餘月而蒞事惟光以譎陋庸材忝參末識爰述巔末略抒鄙懷後之君子其不以爲僭妄焉則幸甚時中華民國十有八年夏歷四月縣志局經理兼山村採訪鄉人李奎光謹識

重修什邡縣志序

縣志例六十年一修自同治甲子傳令續修後迄今又六十餘年時局滄桑幾經變異紀傳兩志鐫之棗梨者既歸烏有士夫藏本亦復寥寥邑人士慨文獻之殘缺也亟謀修志屢議屢梗愚養疴習靜十載蓉城野鶴閒雲久慣疏懶民國十六年復我邦族公務諸鄉官以籌備修志事相汲引次年知事王君文照以纂修名義延任編修半職竊謂一縣之志關係重大未可率爾操觚愚才非常據識不陳壽挾山超海當謝不能幸編修尙有吳君分修又有馬李夏藍劉劉六君衆擎易舉相與有成愚以砭砭雜於玉中亦自以爲玉矣印刷有日邑人士目笑存之將指愚名而訾議曰某志某篇某學究之手訂也於戲愚甚愧焉

中華民國十七年暮冬

鄉人曾慶奎敘于縣修志局

重修什邡縣志序

丁卯歲江秉鐸縣高小學校適邑人士倡修縣志囑江任編修事江曰噫茲事體大而可以吾輩濫竽耶邑人士曰及此不修恐以後更難修矣江曰唯唯竊思什志前修於紀公而傅君又續修之迄今已六十餘年其間人事滄桑疊遭兵燹前清帝國變爲中華民國卽如政治如教化如禮度風俗因時變通百度維新以及忠孝節義與乎嘉言懿行賢儒奇傑之不容就湮沒者蓋難以枚舉及此而不記載之表章之無以信今垂後至今世之閱志者撫卷惘然此亦吾邑之羞抑亦我輩之恥也去歲春適王鏡蓉知事蒞什卽汲汲於此加以邑人士熱心贊助重修始告成功雖然紀公豫章名士淹貫能文著述宏富續修如譚鳳珊諸前輩俱係宿學者儒鄭重秉筆前志具在可稱美備茲合新舊事實納一爐而冶之是猶砥礪之亂玉而狗尾之續貂也江學識謏陋才非

重修什邡縣志

卷一 序

球新印刷廠印

班馬年來研究科學與修志事格不相入猶幸分修諸君子宏通博雅大筆如椽屬藁初成周詳妥貼江職等爲命之行人子羽東里子產而言及修飾潤色則抱愧良多然因修志之舉得附驥尾而名益彰固幸事也今付梓有日矣用綴數語以告後之閱志者

邑人吳 江識

原序 清同治四年

知縣 傅華桂

邑之有志非徒備一朝之文獻也蓋將攷其山川風土以周知民俗物宜而守宰之經制由斯出焉是故其事則野其文則史其義則扶持世教於勿壞什志自嘉慶壬申經前任紀公慎齋重加修輯粹然大備矣桂捧檄來茲於今六年居平輿馬所經耳目所及輒展帙而參稽之未嘗不嘆紀公之苦心分明也顧壬申距今將六十年人事滄桑曷勝枚舉而忠孝節義之不容就湮者又何可軼焉弗錄上年春宮保駱暨各憲肅清川疆議修通志飭各屬增集邑志繕呈蓋武功既奏文德斯敷千載一時煌煌鉅典桂奉札後卽集邑紳協議揀選宿學十餘人謹按前志規條採訪編修凡九閱月而稿粗成自笑簿書鞅掌筆墨榛荒竊幸諸君子相與贊襄而桂亦得以日鏡政治之得失焉第未審質諸文章巨公能免於續貂之哂否也

重修什邡縣志

卷一 序

一 球新印刷廠印

原序 清嘉慶十七年

知縣 紀大奎

什邡之有志始於康熙二十二年前胡令之鴻草創僅二十餘頁五十九年丁令士一得漢州一州三縣古總志鈔本採集增修梗概略具乾隆六年劉令紹放復加修補均未及刊刻十二年史令進爵始裒輯成書凡十八卷今又六十餘年嘉慶辛未制府奏修四川通志定爲條目格式飭下諸郡邑一體編纂 大奎承乏方亭因集邑人士之通曉故事者將舊志復加稽核做照格式分類編次並採訪六十餘年事迹及前此山川古蹟之所未詳者增錄之 大奎公餘之暇一一考訂期於完備 四閱月而畢繕錄成帙上之制府庶以備通志採擇焉爾

重修什邡縣志

卷一 序

一

球新印刷廠印

原序 清嘉慶十八年

知縣 朱奕簪

壬申秋余權什邑事樂其訟少俗淳較他邑易治以爲此必有得於山川風氣者適吏人以邑志至則邑令紀君手成書也當是時大吏增修蜀志檄下諸郡紛紛四方延師儒及鄉先生之能文者多無成成上之或往反駁詰動經歲月而是書不四月卽畢無議之者蓋紀君豫章名士博洽多聞邑人士又喜以載筆光其里採訪勤考據確宜乎成之速且善如此什邑在郡北百里外地接荒徼高山大壑綿亘數千里長莽叢薄怪禽駭獸自古不通人跡邑士之考輿圖者裹糧以往越險乘危露宿閱月凡山川之支幹源流莫不得實以歸又舊志修自前邑令史君距今數十年其間嘉言懿行足以維持風教而湮沒於窮鄉委巷寂寞無傳者至是而發微闡幽無遺憾焉夫前事之不忘後事之師也讀斯志者按其山川觀其風氣知民生之所以遂與民俗之所由淳治譜重修什邡縣志

卷一 序

球新印刷廠印

於是乎在余任事僅七月舊章具備不勞而理後之君子關心民瘼將斯志是賴是則紀君之用心及邑人士之相與有成者不可不傳也乃因摺紳之請而爲之序

原序 乾隆十二年

鄭方城

漢南三坡史君以名孝廉蒞什邡政通人和境內寧謐公暇則修舉廢墜治津梁塞城闕創義學社學及尊經閣魁星閣凡昔所未備者次第設施什故望邑江山形勝甲於西川君來則景物日益清和桑麻被埜絃誦之聲相聞入境者未嘗不流連太息知邑之有賢侯也曩余令繁江壤地相錯思一往遊覘治蹟君亦數以書招爲職守所羈不能越境心悵悵之會余去官居成都君入省必來視坐定不復作寒暄輒問君近舉何事治何先君枚數以復津津有味余戲曰方亭百里君田舍在茲耶相與大笑而罷頃復郵示所輯縣志初邑令山陰胡君日照丁君三原劉君先後纂修君蒞什六載極意搜羅復增益若干卷至是將付梓以余昔修纂志嘗耗心力於斯也命一言爲序值余抱疴不能竟讀間撮大旨觀之見其義例謹嚴序次詳盡所須條教皆誠意藹然如入

重修什邡縣志

卷一 序

球新印刷廠印

窮簷而治其家事乃益歎君之心存濟物爲什父老慶得賢侯而又自愧往者治繁之不如遠甚也今夫溺於富貴利達者以官爲家而矯之者曰仕宦如傳舍由前之說人皆知其陋由後之說則賢達所尙然而士苴人民贅疣職事其害也至於上下解體而不可爲故吾謂士患不以官爲家以官爲家而心有不盡焉者寡矣今聖天子子惠元元勤求至理教養之訓屢飭有司令長秩雖卑固儼然稱民父母也爲一家之父母而膜視其家者人不以爲狂易必以爲不祥則爲民父母而膜視其民者尙克膺司牧之任哉讀君是志以考所行則知余疇昔往復之詞雖戲言亦足以當治譜矣若余遲暮一官頽唐特甚迴憶臨民蒞政鹿鹿無足稱然遇力所可辦分所得爲者不敢不黽勉從事而自下車之始謀修邑乘歷五六載然後克成其勤苦略與君同雖謹嚴詳盡較之什志遠謝不如要特才分使然其區區自盡之苦心未嘗不與君相

視而莫逆也然則君之命以序言與余之承命而弗辭者毋亦有在於
是歟獨念余尙平夙願至老弗衰徒以仕宦匆匆什邡咫尺地竟不能
命駕一往今既辭簪組號散人矣期以餘年躡屐涉章維陟鑿華望雍
侯之故墟訪二程往來讀書之地退而與父老子弟謳吟下上以傳訟
賢侯之所設施凡今日之見於圖經者庶幾一一驗之君行報最且夕
待遷其尙爲余少留作東道主也

原序 乾隆十三年

知縣 史進爵

竊念令之爲職祿秩雖卑然爲守土之官親民之牧也有守土之責則凡所以敬典維禮興利除害夙寤夜興上爲朝廷裕養而敷教者當無弗至也居親民之任則凡所以釐奸剔弊慎刑明罰矢慎矢公下爲斯民養欲而給求者慮無弗周也然而措施之方無他奇能惟在因民情宜土俗而已若然則邑志之修所關不綦重哉自辛酉之冬躬膺簡命來令方享政事之暇訪求遺志得一草冊閱之寥寥簡陋未克成帙因思一邑雖微同沐皇仁之浩蕩均在光天化日之中其間山川土田何以昭礪帶之盟泉流堰道何以厚穰鋤之漑城郭人民未可以缺略者貽譏也錢糧學校不可以舛廢者滋咎也若夫忠孝節義之傳風俗人文之備尤足以深入人心挽回氣習不可以缺焉而弗備者也不禁慨然嘆息謂此書之缺懼不足以昭往而勸來信今而垂後也因惕然

重修什邡縣志

卷一 序

球新印刷廠印

者久之及丁卯之春謀諸學校紳耆詳加採訪裒集成帙非謂因民情宜土俗是書果足以爲將來之資助亦謂今日之見聞若斯姑以登諸梨棗不敢遺失異日倘有博古通今椽管花毫之遇則覽斯稿也當諒爾雖不敏猶不敢忘守土親民之至意庶幾裨諶之功爾亦與有榮施矣是爲序

什邡縣志原修職名

纂修

清乾隆十三年

史進爵

笠庵邑知縣關南人

協修

趙楠

善木邑教諭西充人

談壯猷

克齋邑訓導內江人

總修

清嘉慶十七年

紀大奎

慎齋邑知縣臨川人

協修

雷思恪

鷺洲邑教諭渠縣人

陳鴻翥

達亭邑訓導蓬溪人

分修

重修什邡縣志

卷一

原修職名

一

球新印刷廠印

王道和

斯美邑舉人

羅瑩璋

金函邑舉人

廖全誥

文山邑舉人

戴瑤

汝玉邑廩生

劉繹同

菊田邑貢生

高炳南

近光邑庠生

楊炳川

繼修邑廩生

總修

清同治四年

傅華桂

心梅邑知縣臨海人

協修

陳偉元

卓庵邑教諭邛州人

鄧為楨

松岳邑訓導九姓司人

譚能高 鳳珊邑進士

唐炯 海霞邑舉人

分修

汪登瀛 海仙邑副榜

陸才倫 徽五邑副榜

葉炳堃 聯峯邑增生

劉遠懷 淡齋邑貢生

重修什邡縣志職名

總纂

王文照 鏡容縣知事新都人

編修

曾慶奎 輝五清選拔甘肅候補直州判

吳江 月樓清廩貢曾任重慶地方廳推事現任高小校長

分修

馬常 伯倫清附生曾任重慶警務長修建置輿地官政

李思溪 清渠清附生曾任縣警務長修食貨上篇

夏清瑞 應軒清附生曾任重華鎮警務長修學校及食貨下篇

藍光蔚 毓卿清附生修禮俗上下篇

劉宗海 清潭清附生修民職暨藝文

重修什邡縣志

卷一

職名

一

球新印刷廠印

編次

劉挺生 北星曾任縣教育局長修人物暨雜紀

歐陽瑞 篤齋清廩生曾任松潘廳教授

潘維淵 玉田清附生

宣重光 耀廷清廩生

校閱

黃紀雲 欣如

傅壽康 良弼

鍾策勳 達五

採訪

葉炳靈 竹軒清附生

李染 斗垣

王聖機 子久

劉墨林 知可

戴龍光 子祥清附生

雷鍾靈 恩溥清附生

喻知生 仲榮縣師範

鍾氣清 湛先清附生

葉楚材 香閣清附生

甘棣秀 郁唐清附生

劉之田 惠伯清附生

劉天祿 慎先縣師範

歐陽肇修 玉山清附生

歐陽運泰 開甫

重修什邡縣志

卷一

職名

二

球新印刷廠印

曾忠 伯階

黃民惠 沛恩

繕寫

羅佩銘 鑑堂

邢育周 伯瀄

張德榮 次華

劉雨膏 春如

李成棟 崇宇

經理

李奎光 德愚清附生兼山村採訪